

3. Nungzuite Nungzuihna

Laisiangtho bulphuhte

Matt. 28:18-20

Heb. 6:12

2Tim. 2:2

Heb. 13:7

Luke 6:40

1Pet. 2:21

Col. 1:24-29

b) Thupatna

Zeisu nungzuite: Hihna tawh i ngimna pen Zeisu ading nungzui thakte i suahsak ding ahi hi.

Zeisu in, "*Tua ahihman in pai unla, minam khempeuh nungzui suaksakun.*" Matt. 28:19

Hih sapna pen Topa Zeisu theihsak nading ciang bek hilo in, picinna tungtawn in mi dang khatpeuh Khazih kiang a tunpih thei ding zah-a picing nungzuite suahsak ding ahi hi. Nungzuite i suahsak nading in kicin hun leh khalam vai khempeuh ah; siam dong ngak ding kisam lo hi. Pasion in hong sawl banga sep ding hi a, tua khitteh hih nasep i sep sungin hong puah ding leh hong khangtosak dingin ama tungah i nuntakna i kipiak ding hizaw hi.

Ama nungzui khempeuh in a sep dinga Zeisu hong sawl nasep pen thadah man, uploh man, itna neihloh man leh a hang dang khatpeuh tawh khawltheih hilo hi. Khazih nuntakna sunga i ngah na khatpeuh pen midangte tung i hopsawn ding leh i ngahsa a picing nuntakna i lah dingin Pasion in hong lamen hi.

Mi dangte nungzui i suahsakna ah mi dangte hilhsawn thei ding a citak mite tungah i sep ding kisam hi(2Tim. 2:2). Paul mahmah in Timothy Titus leh Silaste tawh tuaci sep hi. Zeisu in zong kumthum sung a nasep pen mi 12te tawh semto suakin a diak in mithumte tungah hah sep deuh hi. Zeisu pattahate in midangte na pantah-a, tuate in midangte na pantah sawn in tua bang tawh leitung na kikhelsak uh hi. Hih nungzuite nungzuihna nasep pen khalam khansakna, gahsakna hi. Nungzuite in Zeisu sunga a ngah uh a picinna uh mi dangte hawmsawn uh ahihman in hih pen kizang thei tham hi (Luke 6:40).

c) Nungzui suahsakna khen thumte:

1. **Biakinn kikhopna** (eg. Luke 13:10; Matt. 5:1-2) aih keileh Christiante kikaihkhopna. Topa biakna ding leh Khazih pumpi lahkhiatna kicing ahihman in hih banga kikaih khopna pen Zeisu nungzuite ading in thupi hi (Heb. 10:25). Ahizong in hih banga kikhopkhopna in a thuk kimuangtak-a kilawmtatna, mimalte kisapna leh dotnate lahkhiat nading in kicing zolo hi. Hih kikhopnate in a hun, leh a munte sehna ah ciangtan ahihman in na nungzuih mite in huhna a kisap hun in piang theilo hi.
2. **Innkuan cihkeh kikhoina pawl**
Zeisu i anungzuite mi pawlno khat thuhilh zelzel hi. (eg. Matt. 13:36; Luke 9:18). Hi mipawlnote pen thuhilhna, kikupkhopna leh zatkhopna dingin hoih hi. Mi honpi sangin a thukzaw kikhohl khopna kinei theizaw a, vaihawmnate leh kipawlkhopnate zong deih bangin kizeek kawikawi theizaw hi.
3. **Khat khith khat tungah Nungzuihna** (eg. John 3:1-21; John 21:15-22)
Hih bang zia pen khantoh nading, mimal khatciat nasepna thuk taka hawmkhop nading leh dotnate dawnna dingin hoih pha mahmah hi. Tua hi a christian thakte ading thupi deuh a Pasion gam leh khua pawlpi sungah kiptak-a a kiphuh theih

nading in hi theisak hi. Nungzuih nasep a sem mi khatciat in nungzui a suaesak mite kisap bang zia in, hun leh mihing tha tampi kisam-a, a zaizaw kikholkhopna tawhkuang theilo hi.

d) Midangte nungzui a suaksakte pen etteh theihthe hi dinguh hi.

Tua mite pen hi bang mite hi dinguh hi:

- Pasion kammal duh ding
- A siangtho nuntakna lunggulh ding
- Pasion theih beh nuam ding
- A nuntakna vuah Zeisu Topa hihna ah kipia in bangbang hi leh vai khempeuh ah
- Topa deihna lunggulh ding hi.
- Pasion mizat suak nuam ding
- Pasion leh Ama mite khempeuh it ding.
- Khasiangtho kidim in Khasiangtho tungah kinga ding.

Hih omzia khempeuh ompah zo khollo kha ding hi. Ahizong in hihte pen a nuntakna sunguah khansak nopna kimu khia ding hi (1Thess. 2:7-8; 1Cor. 4:15-18; 1Thess. 1:6).

e) Nungzuite pen Topa ading mi dangte va phak leh va hilh ding bek hilo in anuai-a bangin a om dinguh hi:-

- Nungzuite tawh lungdamna leh veinat Khazih sungah neikhawm ding.
- A nungzuite tung vuah kipumpiak a itna lak ding.
- A nungzuite kisap bangin om thei in, hun piak zawhna tawh, hun a hi a, sum le pai a hi phial zongin huh ding.
- A nungzuite uh tawh lawm taktak bangin Khazih sungah omkhawm ding.
- A phawk hun simin a nungzuite ading thungetsak ding.
- Mipi thungetna, thuhilhna leh makaina nangawn ah kihelsak ding.
- A lianzaw upna sung nangawn ah to ding.
- A nungzuite sunga kimu septheihnate thapia ding.
- A nungzuite tunga kimu pahtakna leh khantohnate pulak ding.
- Hun maan tawntungna, zongsatna hoihlote khawlna, tawh etteh hoih lak ding. Mi dang khatpeuh a puksak thei gamtatna khatpeuh sem ngeilo ding, Pasion gam zai nading hun, neih le lamte leh kivaknate pia ding.

f) Na nungzuih theih ding mite koici ngah ding:

1. **Khalam ah nang sang thunei zaw a om leh tuate khensatsak ding.** Hih pen innkuan leh kikhoina pawl ah amakai ding in nang hong kiteel ciangin hi thei ding hi. Tua bang hun teh makaite hong piak lamlahna zui-in.

2. **Deihteel theih a hih leh:**

Zeisu in ama pattah ding nungzuite a teel ma in, Pasion tungah thungen hi (Luke 6:12-13). Maantak a a teel theih nading Pasion kiang pan pilna kisam hi. Eite in zong upna tawh thu i nget leh hih pilna naak mah nei hihang (James 1:5-8). I theihsa mite sang eite tawh a kituakzaw ding mite Pasion in hong pia thei hi. Tua hi a, i mit hak in zon ding kisam hi. Tua mah bangin Pasion a nungzuih ding mi khatpeuh (aih keileh pawlkhat) nang ading in (aih keileh mi dangte ading) in hong

pia thei a, tuate pen Topa tungah na tut ding (aih keh tunpih ding a kisas) hi thei hi.

Nungzuih ding mi khatpeuh na zon ciangin thungai nuam, thusin nuam, a maisak thei, a muang thei, a sem thei, a kipumpiak nuam, Pasion a it, khalam ah khangto, a citak, a kisapnate uh a pulak, Pasion tungah a kipia leh, Pasion kammal leh a Khasiangtho pilna ah a ki-apte na zon ding kisas hi. Hih cinna teng pen na nungzuih suahsakna geelna ah om pah lo thei ding hi. Mite pen a tungin a mawlpi leh a baihsa peuh in om thei a, ahizong in hih cinnate a lak thei ding mite Pasion sungah na kep leh na theih kul ding hi.

Ama na i sep ciang bekin hong huh ding cih Paisian in kamciam hong piakna phawk in. Tua hi a, Pasion sungah a om lam na telloh pi khat tungah kimawk ap kei in. Tua ban ah mimal nungzuihna nasep leh pasal na hihleh numei lung, numei na hih leh pasal lungah naseploh nading ki dawm in. Banghang hiam cih leh, muntakna sunga kilup ding thu pawlkhat pen thuak mahmah hi.

g) Nungzui mi pawlkhat kipatna:

Nungzuih dingin mi pawlkhat na teal leh na lungsim sunga nageel sa teng gencian in. Nungzui suahsakna cih banghiam cih theisak inla, hih laibu bang na zatsawm leh bangthu teng hiam cih gencian in. Mite tung pan bang lamem na hiam cih zong a theih dinguh kisas hi. (gentehna in, mipi kal sim in nang tawh na kimuh ma un, kalkhat khatvei peuhmah kikhawm in, nai nih sung peuhmah thuhilhna hun in bei dinga, nungzui khat bangin nang tunga thuneite nuai ah ki-ap in. Heb. 13:17). Innte in nungzui hihna ah amau leh amau utna tawh hong kipiak dinguh thupi hi. Tua tawh kisai thu a nget nading un sawl in.

Mihon pawlkhat nungzuih dingin hong kisawl leh tua bangmah in sem in. Hih thu zuih ding pen mimal tawh ahi a, mihon tawh a hizong in na kimuh masakpen hun in zangkhawm un.

h) Nipi kaal sim kikhopna bawlzia.

(Hih tawh kisai in Laibu a patna a “Hih laibu bangci zat ding” cih thulu en in).

i) Na nungzuite adding a Ngimnate:

1. Pasion pen it masak leh itbel a nei ding (Matt. 22:37).
2. Amau leh amau a ki it bang vua a vengte uh it ding (Matt. 22:39).
3. Zeisu tawh a kisut zawk nading vua kikhel ding (2Cor. 3:18).
4. Bangzah zah suplawh tale uh, Pasion thuman nuamsa ding (John 14:21)
5. Mihon thuhilhna leh kikhuphopna leh mimal Laisiangtho sinna tungtawn a Pasion Kammal theihna ah khangto ding (Luke 24:45).
6. Pasion min daisaknate a sep loh nading un a nuntakzia uh khel ding. Pasion in amau sep dinga a deih nate a sep nading un hun pia in lunglutna nei ding, gentehna in, nisim in hundai khat neih kipan ding, biakinn ah kikhawm den ding, amau pianken ngaihsutnate sangin Khasiangtho tungah kinga ding cih te. (Luke 9:23; Galatians 5:13-25; Rom. 12:1-2; Titus 3:14).

7. Zeisu nungzuihte a lungmuan theih nading mun sungah a kisam siamnate sin ding leh siamzaw ding. Gentehna in, amau teci pannate genna, a lunglut mikhat Topa kiang tunpihna, Khasiangtho ngah zia mite hilh in a ngah na ding thunget ding cih te. (2Tim. 4:2; 2 Tim. 2:15).

j) Thukhupna:

Cinna in tamna piangsak thei den pen hi. Ahizong in tamna in amah leh amah in cinna piangsak lo hi. Khazih sunga i neih nuntakna cinnate mite tungah hawm sawn ding hihang. Tua ciangin hih cinna a ngah mimal tawmkhatte in midangte tungah a hawmsawn kik nading un thapiakna kisam uh hi. A sawt ciangin hih nasep a kizop toh leh tawmkhat pan in tampi hong pha ding hi.

k) Dotnate leh kikupkhopnate:

1. Hih laibu sunga nungzui suahsak nadinga thuzuih dingte kum zalom sawmnihi ading a manpha lai hiam?
2. Christiante gualzawhna, a gahpha nuntakna, Pasion minthansakna leh Pasion gam zaisak na dinga a sep dinguh a hihna tawh kizui in a kip Lasiangtho thuman bulkip tamna ah a huampi in pawlpi pen lawhcing hi ci in na ngaihsun hiam? Nungzui suah sakna vaihawmna pen a kizang thei diam?
3. Nungzui suahsakna ah kician mahmah a sepna na kisam hiam? Aih keileh, kimu khawm lel in mihonte kisapna dungzui maw, nungzui suaksak pa in hoih hi ci a a ngaihsut bang hiam tawh kicing lel in na ngaihsun hiam?
4. Lungsim puahphatna leh nuntakna khelnate kilamdanna tawh kisai gen in.
5. Midangte nungzui na suahsak nop leh, na lungphut, na thu theih nopna, na kisuanna, na khamuan lohna, na lawpna, na kipsakna aih keh, itna, thu muhkhohhna leh Pasion sapnate bang hiam?
6. Mi khatpeuh tungah 'ong etteh in' ci in tua bangin a gamtat uhleh Zeisu in amau nuntakna ah a lametsak banglian in nung ta takpi uh hi cih na thei diam?
7. Montaigne genna ah: "Khawl nading a nei lo tembaw deih bangin huhih nung ngeilo hi" ci hi. Pasion in hong huh theih ma in manawhna khatpeuh i neih ding kisam hi. Nungzui suahsakna ding thu ah mun khatpeuh na manawh.hiam." Tua bang na hih keileh hi nasep bangci sep ding na hiam?

1. Tomlakna leh zatpahna

1. Christian khatciat pen nungzui hihna nasep ah kihel dinguh hi. Tua pen nungzuih pawl maw, midangte nungzui a suaksak pawl ci in khatzaw sang hi ding hi.
2. Midangte tungah Khazih sung-a i neih nuntakna cinna i hawp sawn theih na dingin picinna sungah Pasion in hong kha hi.
3. Pawlpi sung nasepna khempeuh pen nungzui hihna ah ngim ding ahi hi.
4. Nungzui suahsakna nasep pen midangte a hilhsawn thei ding mi ci takte tung bek ah bulphuh ding hi hang (2Tim. 2:2)
5. Midangte nung zui a suaksakte pen etteh theihte leh a hoih limpha a neite hi hong hi.
6. Pasion kihello pi-in mikhat peuh nungzui suaksak dingin kimawk piak kei in.
7. Na nungzuite ngah thuhilhna pen Khazih sungah kua hiam cih leh, Khazih sungah bang ngim ding cih kikal ah kilekkim ding hi.
8. Midangte na nung zuih na ah na makaite tawh kidem bawl ngei kei inla, meibun tak-a na zawh ding ciang bek la in.